

# Статут Вялікага княства Літоўскага 1566 года

[вытрымкі]

## РОЗДЕЛЪ ПЕРВЫЙ О ПЕРСОНЕ ГОСПОДАРСКОЙ

### Артыкуль 25 О МЫТЕХЪ НОВЫХЪ



Тежъ уставуемъ и приказуемъ, абы жаден человекъ въ томъ панстве нашомъ Великомъ Князстве Литовскомъ не смель новыхъ мытъ вымышляти ани встановляти? ни на дорогахъ, ни на местехъ, ани на гребляхъ, ани на рекахъ, ани въ торгахъ, ани въ местечкахъ ни въ стодолахъ, або въ корчмахъ на гостинцахъ въ именьяхъ своихъ, кроме которые бы были зъ стародавна

установлены, або мели бы на то листы продковъ нашихъ або наши...

...А на рекахъ портовыхъ, и на которыхъ портъ можетъ быти, а где кольвекъ въ панстве нашомъ Великомъ Князстве, жадень ставовъ новыхъ становити и гребли сыпати ку переказе порту и спусту не маеть мети. Такъ тежъ и езы на рекахъ портовыхъ, где зъ стародавна бывали, хтобы ставиль;

тогда предсе маеть местца заставляти такъ слушне, абы езомъ або тамованьемъ никому се шкода не стала. А таковыхъ речей воеводове, старостове, державцы наши кождый въ державе своей мають досмотрети, а новыхъ мыть абы на рекахъ портовыхъ и на ставехъ и на гребляхъ не было, также на езохъ абы проходы были слушные безъ завады заставованы.

**Артыкуль 26**  
**О НЕДАНЬЕ МЫТА ШЛЯХТЕ**

Тежъ зъ ласки и доброты наше господарское княземъ, паномъ радамъ духовнымъ и свецкимъ, шляхте въ томъ панстве нашомъ тую вольность на водахъ на дорогахъ, то есть сухимъ путемъ и воднымъ, на торгохъ, на мостехъ, такъ по именьяхъ нашихъ спущати и продавати зъ ихъ власныхъ гумень, кождому его работы правдивое збожье а не купленое, отъ того мыто не маеть быти давано; такъ тежъ и одъ подводъ шляхецкихъ, которіе зъ ихъ речми властнымъ збожьемъ а стацьями, отъ того всего мыто и мостовое брано быти не маеть...

**РОЗДЕЛЬ ВТОРОЙ**  
**О ОБОРОНЕ ЗЕМСКОЙ**

**Артыкуль 1**  
**О ПОВИННОСТИ, ЯКО ВСИ ОБЫВАТЕЛИ**  
**ВЕЛИКОГО КНЯЗСТВА ЛИТОВСКОГО**  
**ЧЫНИТЬ МАЮТЬ**

Уставуемъ тежъ съ призволениемъ радъ нашихъ зуполныхъ и всехъ становъ подданныхъ панства нашего

Великаго Князства, ижъ кождый князь и панъ духовный и тежъ дворянинъ бояринъ и вдовы кождые и иные станы, и татарове наши, такъ мешане мечь нашихъ, маючи земское именье и лета зупалные маючы, часу потребы зъ нами и потомками нашими або при гетманахъ нашихъ винни будутъ сами особами своими войну служыти и выправовати на службу военную, коли бы кольвекъ была потреба водле уфалы земское соймовъ нашихъ Великаго Князства, якая на онъ часъ будетъ потреба оказовати, то есть и похожихъ зъ именьей зъ людей, яко будетъ потреба, отчизныхъ выслужонныхъ и купленныхъ...

**Артыкуль 2**  
**О ПОСТАНОВЕНЮ ОБОРОНЫ ЗЕМСКОЕ ТОЛЬКО**  
**НА СОЙМТЬ**

Обещуем и уставуемъ вечными часы быти держано, ижъ кгда будетъ потреба противко которого неприятеля нашего обороны земское сему панству нашему Великому Князству Литовскому, albo валка вести; тогды мы сами Господаръ або и съ паны радами нашими не маемъ ани будемъ того учынити, ани серебщызны и поплату никоторую установляти, ажъ первой соймъ великй вальный зложывшы въ томъ панстве нашом Великомъ Князстве Литовскомъ, на которомъ за росказаньемъ и листы нашими будутъ повинни вси княжата и панове рады духовные и свецскіе, маршалки и иные врядники земскіе и дворные, панове хоруговные, послы земскіе поветовые зъехатися; тежъ на онъ часъ на сойме великомъ вальномъ зо радами нашими и зо всеми княжаты и паняты и зо всимъ рыцерствомъ порядою а

позволеньемъ ихъ маемъ таковыя речы становити а не иначе. А ведже где бы отъ котораго неприятеля нашего якое прудкое уторгненье было въ се панство наше Великое Князство; тогда и безъ сойму толко за листы нашими, а въ небытности нашей за листы пановъ радъ нашихъ гетмана нашего великого мають вси князи и панове подданные наши, войны павинны, на часъ и местце назначаное ехати, яко на квалтъ, и то зъ милости Речы Посполитое боронечы себе жоны и детей маетности отчызны своее.

### **Артыкуль 3**

#### ***О НЕВЫЗВОЛЕНЬЕ ЛИСТЫ НАШИМИ, И ТЕЖЪ КОГО ВОЛНО ВЫЗВОЛИТИ***

Тежъ уставуемъ, ижъ мы не маемъ жаднаго зъ войны отъ службы земское такъ словнымъ росказаньемъ яко и презъ листы наши вызволити изъ войска отпущати, такъ тежъ и гетманове наши не будутъ мочы вызволити и зъ войска отпущати, кромъ тыхъ врядниковъ нашихъ и слугъ, которыхъ мы Господаръ на часъ онъ часъ для послугъ нашихъ и справъ земскихъ зоставимъ, а ведже и тые почты свои водле можности именей ихъ винны слати и выправовати...

### **Артыкуль 9**

#### ***О ДУХОВНЫХЪ, ЯКЪ МАЮТЬ СЛУЖБУ ЗЕМСКУЮ СЛУЖЫТИ***

Уставуемъ тежъ и духовные зъ именей своихъ свецкихъ и костелныхъ наданныхъ, съ которыхъ служба земская

военная бывала до сихъ часовъ, такжо зъ именовъ своихъ отчизныхъ купленыхъ и закупленыхъ шляхецскихъ, войне повинныхъ, службу земскую служити мають тымъ же обычаемъ, направуючы съ тыхъ именовъ своихъ почетъ повинни при немъ слать за свою особу человека доброго шляхтича водле уфалы земское сеймовое.

**РОЗДЕЛЬ ТРЕТІЙ  
О ВОЛЬНОСТЯХЪ ШЛЯХЕЦКИХЪ  
И О РОЗМНОЖЕНЬЮ ВЕЛИКОГО  
КНЯЗСТВА ЛИТОВСКОГО**

**Артыкуль 1  
О РОЗМНОЖЕНЬЮ ВЕЛИКОГО  
КНЯЗСТВА ЛИТОВСКОГО**

Мы Господарь обещуемъ тежъ и шлюбуюемъ за себе и за потомки наши Великіе Князи Литовскіе подъ тоюжъ присегою нашою, которую есьмо учинили всимъ обывателемъ всихъ земель Великого Князства Литовского и всихъ земель ку нему здавна и теперь належачыхъ у славе, титуле, столицы, зацность, и владзы, и можность росказованью, и въ иншихъ свихъ належностяхъ и прислухиванью и въ границахъ ни въ чом не вменшати и о вшемъ примножати. И хотя бы панъ Богъ зъ ласки свое светое намъ Господару узычити рачылъ панства Литовского князей и пановъ радъ духовныхъ и свецскихъ и всихъ вядниковъ земскиъ и дворныхъ шляхту рыцерства и всихъ иныхъ становъ ни въ чомъ томъ не понижати, але отъ всякое легкости и пониженья, яко славное памяти продки

наши, Великіе Князи Литовскіе, за щасливого панованья своего чынити стеречи и боронити бедемъ, съ помочью Божьею стараючисе о примноженье и вывышенья того панства и всихъ становъ достойности оздобъ и пожитковъ зъ наиболшою нилностью и всилованьемъ нашимъ.

## Артыкуль 2 *О ВОЛЬНОСТЯХЪ ШЛЯХЕЦСКИХЪ*

Тежъ мы Господар обецуемъ словомъ нашимъ за насъ и за потомки наши Великіе Князи Литовскіе подъ такимъ же обовязкомъ нашимъ, яко вышей у первомъ артыкуле естъ описано, ижъ всихъ князей и пановъ радъ, якъ духовныхъ, такъ и свецскихъ, и всехъ врядниковъ земскихъ и дворныхъ, пановъ хоруговныхъ, шляхту, рыцарство, мещане и всихъ людей посполитыхъ у Великомъ Князстве Литовскомъ и во всихъ земляхъ того панства намъ заховати при свободахъ и вольностяхъ хрестіянскихъ, въ которыхъ они, яко люде вольные, вольно обираючы изъ стародавна изъ вечныхъ своихъ предковъ себе пановъ и Господарей Великихъ Князей Литовскихъ, жыли и справовали прикладомъ и способомъ волныхъ панствъ хрестіянскихъ, ровнаючы однако маючы и тыхъ вольностей ужываючы и зъ суседы братею своею рыцарствомъ и иные станы народц Коруны Польское, и особливе на то при свободахъ и вольностяхъ и листехъ Великихъ Князей Литовскихъ, предковъ нашихъ, и отъ насъ всемъ вобецъ яко и каждому зособна на учтивости достоенства вряды на именья на люде на кгрунты и на што кольвекъ даныхъ, и што еще будетъ даваны впередъ, непорушите неотмените (вечными часы ховати). А хтобы тежъ што хотя безъ привильевъ за отчызнымъ правомъ

якимъ кольвекъ обычаемъ набытыхъ людей кгрунтовъ своихъ въ держанью бвлъ, такъ за славного панованья продковъ нашихъ Короля его милости Казимера и Александра, яко тежъ за светое памяти и отца нашего и за нашего щастливого панованья, тые сами съ потомки ихъ близкими и теперь то вечие держати мають и будутъ.

**Артыкуль 3**

***МЫ ГОСПОДАРЬ ОБЕЦУЕМЪ РОЗМНОЖАТИ  
ВЕЛИКОЕ КНЯЗСТВО ЛИТОВСКОЕ, А ШТОБЫ  
РОЗОБРАНО  
И ОДЫШЛО ЗАСЬ КУ НЕМУ ПРИВЕРНУТИ***

Тежъ добра Князства Литовского не уменьшымъ и то, што будетъ черезъ неприятелей того панства нашего отдалено розобрано и ку иному панству отъ того нашего қоли кольвекъ упрошоно, ку Короне ку Мазовшу ку Прусомъ ку Ифлянтонъ, то за се ку власности того Великого Князства привести и границы оправити обещуемъ. А хотя быхъ тедь кому заграничникомъ при границахъ тыхъ верху мененыхъ земли именья села и люди дали; тогды таковые мають съ того служыти Великому Князству Литовскому, а хтобы не хотель служыти, таковыхъ привилевъ не маемъ мы и потомки наши держати.

**Артыкуль 4**

***О НЕДАНЬЕ ШЛЯХТЫ И ИХЪ ИМЕНЕЙ КГРУНТОВЪ  
ВОЛЬНОСТЕЙ И ТЕЖЪ НЕДАНЬЕ ЛИСТОВЪ  
И ПРИВИЛЕВЪ СЕМУ СТАТУТУ***

Уставуесь и вечными часы ховати и держати обещуемъ, ижъ яко продки наши Великие Князи Литовские, такъ и мы незвычайные никому ни которымъ способомъ боярь

шляхецкихъ именовъ крѣпостей и земель давати, такъ и  
теперь на все потомныя часы обещуемъ и прирекаемъ подъ  
тою жъ присегаю нашою, которую есмы учинили  
обывателемъ сего панства нашего Великого Князства  
Литовского, бояръ шляхты и ихъ именовъ крѣпостей и  
всякое маестности и иныхъ свободъ и вольностей и правъ въ  
нихъ отбирати и отводити, и ни якимъ особамъ, которымъ  
кольве въ томъ панстве обывателемъ яко и заграничникомъ  
и постороннимъ и жадному иному, давати записовати и ни  
какимъ способомъ отдавати не маемъ. А где бы што  
одержано и вышло якимъ же кольвекъ обычаемъ противъ  
сего статуту; то с права и суду справедливость черезъ насъ и  
потомки наши за радю радъ нашихъ Великого Князства на  
сторону отложено и ни во што обернено быти маеть. А про  
привилеи въ посполитомъ яко и каждому зособна  
не маемъ ани будемъ мачы давати противъ сего статуту и  
артыкуловъ в немъ описаныхъ; а которые бы передъ тымъ  
вышли и про то съ канцлярей наше по выдацю сего  
статуту отъ насъ черезъ кого кольвекъ одержаны были,  
таковыхъ мы и потомки наши держати не хотимъ, але  
справа и суду сказовати и ни во што оборочати будемъ.  
Ведже кому быхмо зъ ласки наше дали и давати хотели  
родичомъ Великого Князства именья наши спадковыя, и въ  
нихъ бояре хотя бы шляхта была, а именьяца свои здавна и  
ново тежъ черезъ данину оныхъ пановъ, по комъ на насъ  
Господаря тые спадки пришли, (мели) и имъ служыли, а  
листы подтверженьемъ нашимъ не вызволили, въ томъ моцы  
рукъ и щодробживости наше и потомковъ нашихъ  
не замыкаемъ.



**Артыкуль 5**  
**О СОЙМИКОХЪ ПОВЕТОВОВЫХЪ И**  
**О ВЫПРАВОВАНЬЮ И ПОСЛАНЫЮ ЗЪ НИХЪ**  
**ПОСЛОВЪ ЗЕМСКИХЪ НА ВАЛЬНЫЙ СОЙМ**

Уставуемъ для лепшого порадку во речахъ и въ способу ку справедливости и обороне, абы за волею всехъ на соймикахъ потреби се земкіе становили и отправованы были, абы вечными часы передъ сеймомъ великимъ вальнымъ, которымъ маемъ мы и потомки наши завжды, коли того потреба окажетъ Речи Посполитое Великого Князства, порядоу радъ нашихъ тогодъ панства складати листы нашими соймики поветовые, а мановите на тыхъ местцахъ и воеводствахъ нижей суть написаныхъ и постановленныхъ, которые соймики также листы нашими даны будутъ не на близшей часъ и рокъ, толко за чотыры недели передъ соймомъ великимъ. На которые соймики мають зъезджати и быти тые воеводове и каштелянове врядники земскіе, потомуужъ князеве панове шляхта того жъ повету и воеводства, а намовляти о тыхъ речахъ и потребахъ земскихъ, которые имъ на местцахъ нашихъ ознайменены будутъ, на мней тежъ о своихъ и о всехъ потребахъ хемскихъ и долегостяхъ оного повету и воеводства; и зволившыся вси одностайнымъ зданьемъ мають обирати пословъ своихъ, то есть отъ каждого суду земского, колко ихъ у томъ воеводстве будетъ, по две особы, послати ихъ на соймъ ознаймившы и вручившы то все имъ, о чомъ водле листовъ нашихъ господарскихъ, и тежъ во всиехъ потребахъ, радити намавляти и ставити мають, даючы имъ моць на томъ таковомъ вальномъ сойме поступовати и кончыти тые и иншы припалые речи водле часу и потреби. Ведже князей,

пановъ, маршалковъ и иныхъ всихъ урядниковъ земскихъ и дворныхъ подде старого обычая маемъ листы нашими на таковой вальный соймъ взывати; и тые вси въ раде посполитой местца и воты свои будутъ мети способомъ звычайу стародавнего, а послове земскіе местца и воты свое мають мети водде порадку нижей написаного.

**Артыкуль 6**  
**О СОЙМУ ВАЛЬНОМЪ**

При том тежъ уставуемъ, съ призоленьем радъ нашихъ духовныхъ и свецкихъ и зо всими станы сойму належачыми, на теперешнем сойму великомъ Виленскомъ, хотечы то все мети вечными часы, ижъ маемъ мы и потомки наши Великіе Князи Литовскіе съ потребы Речи Посполитое за радою радъ нашихъ того жъ панства, або за прозбою рыцерства, складати сеймы вальные въ томъ же панстве Великомъ Князстве Литовскомъ завжды, коли колко того будетъ потреба.

**Артыкуль 7**  
**АБЫ ШЛЯХТИЧЪ БЕЗПРАВНЕ НЕ БЫЛЪ ИМАНЪ**  
**АНИ САЖОНЪ**

Тежъ обещуемъ и вечными часы мети хочемъ мы Господаръ и потомки наши, ижъ все рыцерство шляхту Великого Князства при вольностяхъ звыклыхъ, которые отъ насъ Господаря и отъ продковъ нашихъ имъ суть наданы, будемъ повинни мети заховати и держати. Тежъ кождый шляхтичъ оселый подде права позванный, непоконанный правомъ, отъ насъ Господаря и отъ кождого вряду иманъ и въ везенье сажонъ быти не маеть.

**Артыкуль 8**  
**АБЫ ПАНОВЕ ШЛЯХТУ О ПОЧТИВОСТЬ**  
**ИХЪ САМИ НЕ СУДИЛИ**

Тежъ уставуемъ, ижъ княжата и панове рада наша шляхту и кожного бы зъ рицерства нашего, которые тежъ шляхту нашу служебниками въ себе ховають, не мають сами о почтивость судити кроме насъ; бо тотъ судъ никому иному не належитъ одно Господару. А што се дотычетъ злодейства и иншихъ речей выступковъ – то волни будутъ панове ихъ зъ ними, осадившы при собе пред се шляхту людей добрыхъ, справедливость чынити, а въ чомъ былъ хто съ права поконанъ, тогда тотъ за выступокъ свой терпети и каранъ маеть быти бы и горломъ.

**Артыкуль 9**  
**ИЖЪ ДОСТОИНСТВЪ ВРЯДОВЪ**  
**ВЪ ДТЬДИЦТВО ЧУЖОЗЕМЦМЪ ДАВАНО БЫТИ**  
**НЕ МАЕТЪ**

Такъ тежъ мы Господаръ обещуемъ и шлюбуюемъ подь присегою наше, которую учынили есьмо Великому Князству Литовскому и всимъ станомъ и обывателемъ его, беручы то изъ статуту старого пана отца нашего Короля его милости тому панству Великому Князству Литовскому, даного, а въ сесь выкладаючы и на то позволяючы, штожъ въ томъ панстве Великомъ Князстве Литовскомъ и во всихъ земляхъ ему прислухаючыхъ достоинстей духовныхъ и свецкихъ городовъ жворовъ и кгрунтовъ староствъ въ держаньи и пожываньи и вечностей жадныхъ чужоземцомъ и заграничникомъ ани суседомъ таго панства давати не маеть; але то все мы и потомки наши Великие Князи

Литовскіе давати будуть повинни только Литве, а Руси, роддичомъ старожитнымъ и вродовцамъ Великаго Князства Литовского и иныхъ земель тому Великому Князству належачыхъ...

**Артыкуль 10**

***ДОСТОЙНОСТИ И ВРЯДЫ ДЫВНЫЕ НЕ МАЮТЬ  
БЫТИ НАРУШОНЫ***

Тежъ обещуемъ и хочемъ вечными часы мети, абы панове рада наша, такъ духовные яко и свецкіе, и вси иные врядники наши земскіе и дворные, въ томъ панстве нашомъ Великомъ Князстве Литовскомъ были во всякихъ достоенствахъ и у почтивостяхъ захованы водде двного обычаю и кождый подде зацности и местца своего. А што се дотычетъ владности и справъ ихъ судовыхъ; въ томъ се они мають заховати и справности, яко нижей въ семъ статуте есть описано.

**Артыкуль 11**

***ДОСТОЕНСТВЪ И ВРЯДОВЪ НА ЗАОЧНОЕ  
ОБМОВЕНЬЕ НЕ МАЕМЪ ОДЫЙМАВАТИ***

Тежъ обещуемъ, ижъ достоинстей всякихъ врядовъ староствъ державъ тивунствъ на справу чію кольвекъ и на обмовы заочные мы и потомки наши не мають отнимати; але коли бы который изъ врядниковъ нашихъ былъ роспрошитель або шкодникъ нашъ и дворовъ нашихъ, и до нас бы въ томъ обмovenъ и обвиненъ был; тогды обоя сторона, якъ тая хто ведеть, такъ на кого Менитъ, мають передъ нами очевисто стати, а мы съ паны радами нашими Великаго Князства Литовского, выслуhavшы ихъ и

розознвавшы тую речъ, винного водле выступку его карати маемъ, а безвинне и безъ права на заочное поведанье не будмъ ни в кого врядовъ брати, ани ихъ зъ нихъ рушиати.

#### **Артыкуль 12**

### ***О ДЕРЖАНЬЮ СТАРЫХЪ УСТАВЪ, А НОВЫХЪ БЕЗЪ СЕЙМУ ВАЛЬНОГО НЕ ВСАВЛЯТИ***

Тежъ прирекаемъ вси привелея земскіе стародавныя и ново отъ насъ наданыя волности и звычай добрый стародавний тымъ статутомъ нашимъ ховати и ни въ чомъ ни нарушати, а нового ничего не встановляти. А ведъ же была ль бы того потреба што нового прибавити ку доброму речы посполитой; тогда того не маемъ чынити ани вставъ жадныхъ делати, ажъ на вальномъ сойме того панства нашего и въ здешнемъ панстве нашомъ Великомъ Князстве Литовскомъ, зъ ведомостью порадою радъ нашихъ и призволеньемъ всихъ земель того панства нашего.

#### **Артыкуль 13**

### ***О ВОЛНОСТИ ВЫЕХАНЬЯ НАШОГО ИЗЪ ЗЕМЛИ КРОМЪ ЗЕМЛЬ НЕПРІЯТЕЛЬСКИХЪ***

Тежъ узычаемъ и уфаляемъ вечными часы, абы княжата и панове хоруговныя шляхты и кождый человек рыцерскій и всякого стану того панства нашего Великого Князства Литовского мели вольность и моць выехати и выйтит съ тыхъ земель нашихъ Великого Князства для наукъ у письме цвиченя учынквъ рыцерскихъ и лепшаго счастья своего, и тежъ будучы неспособного здоровья своего для лекарствъ до всякихъ сторонъ и земель, кроме земель непріятелей нашихъ

Московского бесурманскихъ и иныхъ, съ кимъ тоє панство наше на онъ часъ вальчыло...

**Артыкуль 20**  
***О ШЛЯХТЬ, КОТОРЫЕ БЫ ВЪ МТЬСТЪ***  
***ОСТЬЛОСТЬ ПРЫНЕЛИ***

Тежъ уставуемъ, ижъ кгда бы шляхтичъ занехавшы имения шляхецкаго, а ищучы пожывенья, штоль бы себе до места и мешкаючы тамъ, торгъ мескій ведучы або шынкъ въ дому маючы або ремесло робечы, понехавшы на тотъ часъ шляхецтва своего подле уставы ниже у артыкуле описаное; тогды сынове не хотели и локтемъ не мерили, а наследовали поступковъ рыцерскихъ продковъ своихъ, таковыє мають быти за правую шляхту почитаны.

**Артыкуль 21**  
***О ПРОСТЫХЪ ЛЮДЕХЪ, КГДЫЖЪ ПОВЫШЕНЯ***  
***ЧЕСТИ И СТАНОВЪ ЗА ГОДНОСТЯМИ***  
***ЗАСЛУГАМИ МОГУТЪ БЫТИ***

Каждого власне рукъ и шафунку и зверхности наше господарское належыть, и тежъ постерегаючы всякого обелженя стану шляхецкого отъ людей простого стану, окромъ сосбливое ласки и надареня отъ зверхности наше господарское, ольности прывилъевъ стану шляхецкого самъ себе прывлащати и ихъ некоторымъ обычаемъ ужывати не можетъ.

**Артыкуль 31**

***КНЕГИНЬ, ПАНЕЙ, ДЕВОКЪ, ВДОВЪ НЕ МАЕМЪ  
НИ ЗА КОГО КГВАЛТОМЪ ДАВАТИ***

Тежъ обещуемъ и приказуемъ кнегинь, паней вдовъ, княжонъ, паненъ девокъ шляхтянокъ и всякого иного стану рожая земского, яко людей вольныхъ подъ вольнымъ панованьемъ нашимъ господарскимъ, заховати ихъ при вольностехъ ихъ, а кгвалтомъ ни за того волно пойти.

**Артыкуль 33**

***ВСИМЪ СТАНОМЪ НАРОДУ ШЛЯХЕЦКОГО, ЯКЪ  
ХОТЯ, ВОЛНО ИМЕНЬЯМИ ШАФОВАТИ***

Тежъ уставуемъ, ижъ всимъ станомъ шляхецкого народу яко и людемъ вольнымъ волно есть и будетъ именьями своими отчизными материстыми и якимъ жъ кольвекъ обычаемъ набытыми шафовати, подде потреби воли и подобанья своего отдати, продати, записати, заставити въ долгу и въ сумахъ завести, заменяти; ведже водде того, яко о томъ шырей у розделе о записехъ есть описано.

**Артыкуль 39**

***МЫ ГОСПОДАРЪ ШЛЮБУЕМЪ ОДНАКУЮ  
СПРАВЕДЛИВОСТЬ ВСИМЪ ЧИНИТЬ, А ПЕРЕДЪ  
СУДОМЪ (У ІНШАЙ РЭДАКЦЫІ:  
“А ПЕРЕСУДУ”.-ПРИМЕЧ. РЕД.) МЫ И ПАНОВЕ  
РАДЫ НАШИ БРАТИ НЕ МАЕМЪ***

Обещуемъ тежъ зъ ласки и добрости и милости нашей господарской ку подданнымъ нашимъ, всему рицерству

Великого Князства Литовского, подь сумненьемъ нашимъ, ижъ мы Господар и панове рада наши маемъ каждому стану всимъ заровно однакую справедливость чинить безъ отволоки, а отъ права не маемъ ничего брати; потомужъ и панове рада наша, а не маемъ тежъ стати и зычностью быти одной стороне, але просто каждому справедливость делати будемъ повинни, такъ тежъ и панове рада наши подь присегою, которую до вчинили, справедливость чинити будетъ повинни.

**Артыкуль 41**  
***О НЕВЫВОЖЕНЬЮ ПРИПРАВЪ ВОЕННЫХЪ***  
***ДО ЗЕМЛИ НЕПРІЯТЕЛЬСКОЕ***

Уставуемъ и вечными то часы мети хотимъ, постерегаючи того, абы зо всихъ земель панства нашего Великого Князства Литовского яко жидове татарове купцы и вси подданные наши, которого кольвекъ стану, явне и таемне всякихъ броней железа ручницъ нажовъ стрелъ и всякого иного наряду военного не выпускали и не вывозили, посломъ не продавали, съ чого бы неприятель силитись могъ...

***РОЗДЕЛЪ 4-й О СУДЬЯХЪ И О СУДЕХЪ***

**Артыкуль 1**  
***О ВЫБИРАНЬЮ СУДЕЙ ВЪ ПОВЕТЕ***

Уставуемъ, ижъвъ тыхъ поветехъ, которые суть ниже росписаны, и въ каждомъ таковомъ повете, где еще до сихъ часовъ не обраны, зособна мають быти судья подсудокъ и писаръ, которые такъ и тымъ обычаемъ мають быти



выбраны и на таковыя уряды установлены. На первой маемъ мы Господарь часъ певный зложити и то листы нашими по всихъ таковыхъ поветехъ ознаймити, где въ кождомъ повете княжата панове рада наша, также рицерство и шляхта вси, хто кольвекъ якого стану будетъ тамъ именья свои мети, зъехатися мають до двора, которій на посродку того повету будетъ, и тые которые ся зъедутъ не ждучи никого, хтобы въ повете именье маючи пріехати не хотель, ку тому року мають выбратьи зо всее шляхты того повету братьи своее на кождый врьдъ таковой, на судейство чотырохъ людей добрихъ, на подсудство другихъ чотырохъ, на писарство третихъ чотырохъ людей добрихъ, цнотливыхъ, ростропныхъ въ праве у местныхъ, роду шляхецкого, въ томъ повете добреоселыхъ, не иное веры только Хрестіянское; и выбравшы ихъ, тыхъ выбранныхъ черезъ листы свои намъ Господарю ознаймити мають, а мы съ тыхъ всихъ дванадцати особъ выберемъ трехъ до того повету на врьдъ земскій, на судъ судою и подсудка и писара. Которіе отъ насъ выбранные и потверженые на першыхъ рокохъ судовыхъ передъ поветовымъ воеводою, або въ небытности воеводиной передъ кашталяны, а въ земли Жомонтской передъ старостою Жомоитскимъ, при зобранью шляхты, што ихъ тамъ въ томъ часе судеть, маеть судья подсудокъ и писаръ присегнути тыми словы:

Я присегаю Пану Богу во Троицы единому, ижъ въ томъ повете водле Бога справедливе подле права и статута сего писаного Великого Князства Литовского, водлугъ жалобы и отпору, ничего не прикладаючи ани уймуючи, буду сознавати и записы пріймовати, не фолкгуючи высокимъ и

подлымъ станомъ на достоинствахъ и на врьдехъ седячимъ, на богатога ани на вбогаго, на пріятеля кровного захвалога, ани на ту тутошнаго, не на гостя не смотречи, не съ пріязни не зъ вазни не зъ боязни не за посулы и дары, ани сподеваючися на потомъ дарованья и якога нагороженья, и не радечи стороне, а ни боячися казни помсты и погрозокъ, але самого Бога и его светую справедливость и право посполитое и сумненье свое передь очима маючи, тежъ роковъ николи не омешкиваючи, кромъ великое правдивое и зложное хоробы; а якъ то справедливе присегаю Богу, такъ ми Боже помози; а если несправедливе, - Боже ми не помози.

А писаръ земскій маеть по Руску литерами и словы Рускими вси листы и позвы писати, а не иншымъ языкомъ и словы, и такъ маеть писаръ присегати:

Я, N, присегаю Пану Богу въ Троицы единому на томъ, ижъ справедливе водле Бога и того права писаного и подлугъ мовенья и споровъ сторонъ, ничего не прикладаючы ани уймуючы, у суду записовати и радити судьи и подсудку верне и справедливе, подле сознанья сторонъ и споровъ на судехъ и осведченья и оповеданья судового и сказанья судового, и въ книги судовые вписовати быду а писловати и догледовати, абы подле сее присегей моее справедливе были вписаваны, не маючи баченья не высокіе а ни подлые станы на достоинствахъ седячихъ, на богатога, ани на вбогаго на пріятеля кровного захвалога, ани на непріятеля, на тутошнаго, ани на гостя, не съ пріязни не зъ вазни не за посулы и дары, а не боечыся вазни и помсты и погрозокъ, не ждучы нагороженья, але

самого Бога и его светую справедливость и право посполитое передь очима маючы, и сумненье свое добре а побожие справуючы, такъ ми Боже поможи.

А потомъ, кгда бы который съ тыхъ на початку и знову отъ насъ теперьъ выбранные умерь, судья, подсудокъ, або писарь, а трафило се бы то въ небытности нашей; тогды тые, которые на тыхъ урядехъ зостануть, мають о томъ дати знати воеводе своему, а въ земли Жомоитской старосте Жомоитскому; а воевода маеть черезъ листы свои старостамъ и шляхте того повету, а староста Жомоитскій тивуномъ шляхте и всякого стану оное Жомоитское земли обывателемъ часъ зложити, на который зъехавшия вси станы оногo повету и до такового двору нашого, яко вышей описано, мають на местце того умерлого чотырохъ особъ таковыхъ же, яко первымъ выменено, обрати и намъ черезъ листы свои отворотные за печатью воеводиною ознаймить; а мы потомъ съ тыхъ чотырохъ одного, который се намъ видети будетъ, выбравшы на местце того умерлого судьи подсудка або писара, которого съ тыхъ въ тотъ часъ потребовати будутъ, не отволочие установити. А где бы на судство обрали подсудка або писара земского; тогды на тое местце тамъ же за разомъ на тотъ врьдъ обобравшы къ намъ послати мають; а тотъ, кому тотъ врьдъ дамо, потомъ на першыхъ рокохъ судовыхъ будетъ повинень первой на местцу тамъ передь тымъ воеводою або кашталяномъ и передь старостою оногo суду такъ, яко вышей описано, присегнути, тожъ потомъ врьдомъ своимъ владнути и справовати. И такъ мають вжо вечными часы въ поветехъ около выбранья тых врьдниковъ справоватися и захавати.

### **Артыкуль 8**

#### ***О СУДЬЯХЪ, ЯКІЕ МАЮТЬ БЫТИ ОБИРАНЫ***

Уставуемъ, ижъ на тые вяды яко на судейство на подсудковство и писарство не мають быти выбраны духовные особы, а ни сторостове державцы, а ни тивунове того повету, ани хоружые и ни хто таковый, хтобы въ томъ повете нашомъ вядникомъ былъ; але таковые и такъ мають быти выбраны яко вышей описано.

### **Артыкуль 33**

#### ***ХТОБЫ САМЪ НЕ МОГЪ, АБО НЕ УМЕЛЪ У ПРАВА МОВИТИ***

...Къ тому кгда бы хто, не могучы самъ справовати речы своее у суда и не вмеючы мовити, прокуратора потребоваль; тогды судъ повинень ему зъ уряду прокуратора дати, и казати прокуратору отъ него мовити, а речъ его справовати. А въ вображенью маестату нашего господарского обещуемъ прокуратора обвиненой стороне дати. За се будетъ повинень судъ зъ ураду дати прокуратора, и дармо казати ему мовити отъ убогихъ сиротъ и вдовъ немаетныхъ и тымъ тежъ, которыи бы або за пріязню або тежъ убозтвомъ своимъ прокуратора мети и сами речы своее за недостаткомъ своимъ въ суду справовати не могли.

### **Артыкуль 38**

#### ***ИЖЪ НИХТО СЪ БРОНЯМИ ПЕРЕДЪ СУДЪ ПРИХОДИТИТ НЕ МАЕТЪ***

Уставуемъ тежъ грозно приказуючы, абы ништо съ подданныхъ нашихъ княжатъ пановъ радъ, почоншы отъ

вышшого ажъ до нижшого стану, яко сами панове такъ и слуги ихъ при панахъ своихъ и безъ пановъ пріятель за пріятелемъ, не смель въ зброяхъ кафтанахъ и съ такими бронями, то естъ съ древомъ зо щепомъ зъ ручницею зъ лукомъ и съ кушою и зъ иными всякими, до суду замкового земского приходити и при собе мети; а ведже кордъ и мечъ то при собе мети можетъ и носити...

## **РОЗДЕЛЪ ПЯТЫЙ О ПРАВЕ ПОСАГОУ**

### **Артыкулъ 1**

#### **КОТОРОМЪ ОБЫЧАЕМЪ ОТЕЦЪ ВЫДАЮЧЫ ДЕВКУ СВОЮ ЗАМУЖЬ МАЕТЪ ОБВАРОВАТИ И ВПЕВНИТИ ЗАПИСАНЬЯ ВЕНА ОТЪ ЗЯТЯ**

Тежь уставуемъ, ижъ кождый обыватель того панства которого кольвекъ будучы стану, выдаючи дочку свою замужь и даючи за нею посагъ або выправу подле доброе воли своее, наипервей нижли девку выдасть, маеть отъ зятя взяти записъ подъ печатью его и подъ печатями людей добрихъ, которымъ онъ на третей части именья своего лежачого оный посагъ або выправку совито описати маеть потомужъ яко нижей описано; а потомъ оный записъ тотъ же зять на первыхъ рокохъ земскихъ передъ судомъ земскимъ оного повету, въ которомъ оселости маеть, оповедати и въ кники земскіе записати маеть, таковая отправка маеть быти въ кождого права задержана...

**Артыкуль 18**  
**О РОЗВОДЕХЪ МАЛЖЕНСКИХЪ ПЕРЕДЪ**  
**СУДОМЪ ДУХОВНЫМЪ**

Тежъ уставуемъ, ижъ разводъ малженскій маеть быти передъ судомъ духовнымъ обоого стану водде правъ нашихъ хрестіянскихъ: если мужъ зостанеть виненъ зъ розсудку права духовного, тогда жона останеть на оправе отъ него описаной; а пакли бы жона винна найдена, тогда внесенье и оправу свою тратить. А ведже если бы разводъ слушный доводомъ для кривности, ижъ ся малженство въ неведомости кривности стало, або для иныхъ причинъ, которые бы се передъ правомъ духовнымъ показали, ижъ бы слушный разводъ мелъ быти; тогда при разводе венокъ при мужу и внесенье при жоне зостати маеть.

**РОЗДЕЛЪ СЕМЫЙ**  
**О ЗАПИСЕХЪ И ПРОДАЖАХЪ**

**Артыкуль 1**  
**О ЗАПИСЕХЪ НА ИМЕНЬЯ СВОИ ОТЧЫЗНЫЕ**  
**И МАТЕРИСТЫЕ**

...Што вси отъ сего часу и дня волно и мощно кождому именья свои отчызные и земскіе материстые и выслужоные купленые и якимъ кольвекъ обычаемъ набытые и названые, не смотречы третее и двоухъ частей, яко передъ тымъ бывало въ статуте обычаемъ стародавнымъ, але все съ домомъ, хто ихъ што маеть, будь тежъ половицу або и которую ихъ часть, и по себе и у одно або люди земли, што хотя отъ нихъ водде доброе воли своее и мысли, отдати продати даровати и записати заставити, отъ детей и близкихъ отдалити, подде баченья своего тымъ шафовати...

## **РОЗДЕЛЪ ОСМЫЙ О ТЕСТАМЕНТЕХЪ**

### **Артыкуль 1**

#### ***ХТО МОЖЕТЪ И НЕ МОЖЕТЪ О РЕЧАХЪ СВОИХЪ РУХОМЫХЪ ТЕСТАМЕНТЬ ЧИНИТИ***

Уставуемъ, ижъ кождый маеть мети моць о речахъ своихъ рухомыхъ тестаментъ чинити, кромъ тыхъ парсунъ нижей описаныхъ, котрые парсуны ижъ подде права не мають ничего вольного, для того тестаментомъ никому ничего отдачи не могутъ: наипервей дети летъ зупольныхъ не маючие, законники будучи въ законе не привильеваномъ, приемши и потвердившиися въ законе, сынове зъ отцемъ недельные окромъ речей набытъя своего властного або выслугъ, бо тежъ въ чужую маць поданые, то естъ тотъ кого бы кому выдано зъ его статки, шаленые, кацеры, невольники, отъ розуму отходячие, а ведже тые, коли къ собе прійдут, мощны тастаментъ своей чинити, такъ тежъ и чти отсужоные не могутъ тестаментовъ чинити.

### **Артыкуль 4**

#### ***НИХТО НЕ МОЖЕТЪ НЕВОЛЬНИКУ СВОЕМУ НИЧОГО ЗАПИСАТИ, ВОЛЬНЫМЪ НЕ ВЫИННИВШИ***

Уставуемъ, ижъ кождый якого кольвекъ стану невольнику своему, не вчинившы его на передъ вольнымъ, ничего тестаментомъ записати не может, абы его первей вольнымъ учинилъ. А ведже тестаментомъ ижъ каждымъ листомъ явнымъ можетъ невольника своего вольнымъ учынити, а учинившы, тымъ же тестаментомъ можетъ ему што рухомого водде воли своее записати.

**РОЗДЕЛЬ ДЕВЯТЫЙ  
О ПРАВАХЪ ЗЕМСКИХЪ**

**Артыкуль 8**

**ХТО БУДУЧИ УРЯДНИКОМЪ ГОСПОДАРСКИМЪ,  
МАЮЧЫ ИМЕНЬЕ ВЪ ТОМЪ ПОВЕТЕ, МЕЛЪ  
ЗЪ ШЛЯХТИЧОМЪ ПРАВО О ЗЕМЛЮ**

Тымъ тежъ обычаемъ если бы который урядникъ нашъ, маючы именье въ томъ же повете державы своей, мелъ зъ которымъ шляхтичомъ копу вести; теда маеть справоваться о кгрунтъ земный, яко вышей описано, и маеть ставить осмнадцать сведковъ шляхту и иншихъ людей добрыхъ веры годныхъ, а не того уряду присуду своего, але иншихъ постороннихъ, и такъ тежъ судби мають гледеть листовъ границъ знаковъ, а чьи будутъ листы лепшые и границы, тая сторона маеть быти припущона ку доводу.

**РОЗДЕЛЬ ДВАНАДЦАТЫЙ  
О НАВЕЗКАХЪ ЛЮДЕЙ ПОСПОЛИТЫХЪ**

**Артыкуль 5**

**ЖИДЪ, ТАТАРИНЪ И КОЖДЫЙ БЕСУРМАНИНЪ  
НА ВРЯДЪ ПРЕЛОЖОНЪ И ХРЕСТІЯНИНЪ  
ВЪ НЕВОЛИ МЕТИ НЕ МАЕТЪ**

Уставуемъ, ижъ отъ того часу мети хочемъ, абы жидъ, татаринъ и кождый бесурманинъ на достоенство а ни на который врьдъ отъ насъ Господаря а ни отъ пановъ радъ нашихъ преложонъ не былъ и хрестіянъ въ неволи не мелъ...



**Артыкуль 7**

**ЧЕЛОВЕКЪ ВОЛЬНЫЙ ЗА ЖАДЕНЪ ВЫСТУПОКЪ  
ВЪ НЕВОЛЮ ВЫДАНЪ БЫТИ НЕ МАЕТЪ**

Тежъ уставуемъ, ижъ человекъ волный за жадный выступокъ въ неволю вечную выданъ быти не маеть, а естли бы въ суме великой выданъ былъ; маеть съ тое сумы выроблятися, и выпуску на каждый годъ мужику полтина, а жонце пол-копы грошей...

**Артыкуль 11**

**О ВОЛЬНЫХЪ ЛЮДЕХЪ, КОТОРЫЕ  
ВЪ ГОЛОДЪ ПРОДАЮТЪ**

Хто бы въ голодъ самъ себе або сына або тежъ которого человека вольного въ неволю продалъ, и листъ на то даль; таковой листъ не маеть быти держанъ, але яко голодъ минеть, а онъ пенезей добудеть, маеть ему пенези отжати...

**РОЗДЕЛЬ ЧОТЫРНАДЦАТЫЙ  
О ЗЛОДЕЙСТВЕ ВСЯКОГО СТАНУ**

**Артыкуль 8**

**О ШЛЯХТИЧУ ЛЕТЪ ЗАПОЛНЫХЪ НЕ МАЮЧОМУ**

Естли бы се трафило, ижъ бы шлихтичъ въ летехъ чотырнадцати и не больше обвиненъ о злодейство, або приведенъ былъ о злодейство зъ лицомъ передъ врьдъ; тогда таковому про молодость летъ его не маеть быти поличоно за злодейство, и не маеть быти до ката въ руки и на муку даванъ, нижли тую шкоду отецъ его або matka кровные зъ именья части его повинни зъ навезкою платити, и

заплативши то почтливости его шкодити не маеть, а не будетъ ли мети чимъ платити, ино давати его на выслугу, поки бы то заслужилъ, што зашкодилъ. Тымъ же тежъ обычаемъ можетъ се розумети и о детехъ людей простыхъ летъ недорослыхъ. А ведьже и таковыи хлопецъ недорослый естли бы въ колку злодействахъ и при лица былъ дознанъ, таковыхъ врядъ маеть карати водле званья своего.

*Вытрымки з видання:* Статут Великого князства Литовского 1566 года и поправки статутные 1578 года // Временник Московского о-ва истории и древностей российских. 1855., кн. 25. С. 1-242.

Васілевіч, Р.А. Гісторыя канстытуцыйнага права Беларусі / Р.А. Васілевіч, Т.І. Доўнар, І.А. Юхо. – Мінск: ВТАА «Права і эканоміка», 2001. – С. 57-68.